


# 慶陽府志

卷一——卷十

也 1.80.83  
134.1  
: 1~8  
部 =



冊一

序 跋 凡 目 星 建 疆  
例 錄 野 置 域

城 形 山 閔 里 勝  
池 勢 川 梁 甲 景

明制慶陽府治安化領州一寧州縣四合水環縣正寧與安  
化而四清制因之此志詞義嚴謹亦佳志也惟勝景一目  
彙列各屬縣八景附會稱道之不足又分為之因果其真  
為名勝於揚風雅未始不可然各縣所標榜大抵培樓之  
山澗溪之水風月雲樹何地不有而少者不減為七多者  
亦不增為九輟轉襲取最為志乘錮習甚惜本植此志亦  
復未能免俗也人物共名也志既有鄉哲孝義等自復有  
人物去取之間奚所取裁此又類目失當宜加改正者矣

臨兆鴻汀張維題記

慶陽府志

卷之一序

慶陽府志序

自昔徵文考獻可以稽往蹟酌時宜。叙地利以振俗維風者莫如志。志自州邑登諸郡。游上諸省。故郡志一書。以紀邑甸文物。大以脩都會典。章早繫惟重哉。慶陽舊為公劉邑。其民樸勤力穡。洎宋韓范兩公。泣其地。益道淳良。前明樂蟠韓鼎。著有舊志。頗稱詳該。國初郡守楊藻鳳重輯之。迄今百有餘年。舊載既多。殘缺將事踵新。亦未得付排纂。幽光湮晦。勝跡銷沉。拾遺補缺。不可謂非守土責也。我

聖天子景運攸隆

皇猷允塞。拓西陲之地萬有餘里。版圖式廓。曠古罕聞。爰借

慶陽府志

卷之第一 序

制府楊公。檄淮郡邑志書。將哀為通志。而慶陽趙守乃先是。蒐葺稟呈其所編郡志。可序於予。夫志乘之作。自古為難。無上下古今之識。滄貫掌故之才。則引經析義。有愧典核。抑或論定當代。非以前見之疎。致多掛漏。即以博會之意。動涉浮夸。詎足包網。珥筆漫訂。千秋之業。或今趙守殫心。文獻雅意。攬搜俾慶陽一郡之風土人物。因革慶興。靡不瞭如指掌。他日哀集通志。採脩輶軒。則茲志之編。誠博雅之助已。雖然。士貴通經。尤宜立政。成

國家簡畀之重。以主持守風化之權。務期於先王淳良舊地。後兒熙皞。以散黼太平。將不徒與韓楊諸君爭名翰墨。且得附忠獻文正之後。接武前徽。則彌增典冊之光矣。其所望於守土

者，獨志云乎哉。於其請也，書此以弁諸簡端。  
乾隆二十七年壬午孟夏，巡撫甘肅等處地方贊理軍務兼理  
茶馬兵部右侍郎兼都察院右副都御史長白明德撰。

慶陽府志

卷之第一

序

今

聖天子覃敷文德載績武功西陲之外拓地萬餘里。

制憲太師楊公設局纂修甘省通志採各縣郡之紀錄哀

為全帙檄下慶陽慶舊有志而無志也非無志也歲久殘缺不完百

年來時事茫茫亦與焉也如是者誠不可以應命先是乾隆

二十四年夏五余勘定環邑返道北地晤太守趙君以

郡乘未輯為歎余謂之曰君不知事以會興文以人傳也

茲固昔賢翱翔之地非託無表見者而顧漫漶至今後

起者果誰屬哉辛巳履長

慈宮萬壽余以春杪祝

慶陽府志

卷之第一

序

釐入都趙君攝監司篆寓書於余曰不佞承

大憲之檄重訂郡志行且鈔板謹以副本懇執事敢乞一

言弁諸簡首心竊異之曩余親歷其境文獻闕然銷

沉胡一旦而竟成此不朽之業信前此之非虛語亦以見時

會之相值也暇輒披覽因附數語以歸之志者誌也記邦國

之沿革風俗之淑慝與人物之臧否下逮金石碑銘佚事

遺文無不蒐擇採掇融洽大適始有當於記載之體今書成

四十二卷依類叙次較昔倍之該矣條條矣而繁而不縟直而

不詘井而不紊質而不靡凡上下數千百年暨當代掌故

鉅纖畢載而舊志之訛舛支離者率皆潤削之俾後之君

子有所取材如湖河源者之于崑崙問山靈者之必於喬嶽是  
是則君之用心良苦忘良厚矣若夫政通人和百廢具舉是  
邪之人所以嘖嘖於君者固不身在此余謂此亦足以重君  
矣不且垂之永遠而不朽乎吾可為卜之券也。

平慶觀察使者司宗智題

平陽府志

卷之第一 序

二

叙

關中郡縣皆有志惟康對山之武功呂涇野之涇陽王羨波之鄠  
縣前華謂與諸史相頡頏余曩者見之信非阿好也又聞明  
侍郎樂蟠韓鼎著慶陽府志十卷稱為善本下車後問其  
遺編則散佚已久惋惜者竟日因披閱前守楊公舊志為順  
治庚子以前之書迄今百年因華興廢不知凡幾而版復  
刊缺不有記繼其事者輜軒何以告遺緒何以續耶獨是志  
之作也必熟悉累朝之掌故與

當代之典章而後參諸學士之見聞名山之著述然後  
成一家言不然閉門造車未審轍迹可卓然不啻飾僥以

慶陽府志

卷之第一

自敘

繒綵叩瓦缶以鐘呂也余無淹貫馳騁之才亦非石室蘭  
臺之職方局賦於簿書案牘之末遑其將與一二名流  
抗顏而分旗鼓哉雖然余間嘗讀史

而知之

矣良史之體曰予奪曰紀載曰文質志不與史同固有異  
而同者如人材官業節誼文章干杖有定論微而顯志而  
臧不可以不謹嚴也至於屬左氏浮夸龍門踈漏儒者詬訾  
非傳信決疑者不足以動人之聽睹也至於屬詞比事華而  
不辯直而不俚迺為立言有要此三者固史家之所長亦  
操觚者之表準因不揣持昧即原志之煩者汰之簡者詳之  
脫者補之悞者潤之餘以類而各為裒益焉目覽手抄不



覺其疲我形勞我神也。然竊疑古人之作史也，往往頭白  
可期，汗青無日，予之排纂校刊甫閱五匝月，遂得從容而  
卒業焉。豈古為之難而今為之易與？蓋史必上下數千百  
年，綜括宇宙，故非殫精竭智，積歲窮年者，不能志乘之所  
及者，郡邑耳。時事身且遑之數十載，必有復起而增修之  
者，其與史之一成不毀，歷久彌新者，同乎異乎？據據之餘，聊  
繼前事，自此廢文獻有徵焉。若異日取康呂二公之所作以  
印證其得失，報焉以赤，不知當更何如爾。

乾隆二十六年辛巳秋七月既望甘肅慶陽府知府武林趙本植撰

昔唐韋述作東西京記世無完書宋龍圖學士宋敏求本之撰長安志舊有圖勒之碑呂待制大防跋其尾秦人附錄于志謂之長安故圖人稱該洽慶陽固周之義渠也秦併之置北地郡上下數千百年雖散見於地說而未有專書前明樂燔韓侍郎鼎著慶陽府志十卷又久已亡之今士大夫家所藏者。

國朝順治十六年前守揚公藻鳳所輯也時事升沉已閱凡幾無燕許大手筆起而纂修之後之視今過客耳浮雲耳何以爲信使之券哉

大尹趙公奉守是邦三年中百廢具興教養備至復念志乘

## 慶陽府志

### 卷之第一

跋

利缺因毅然而肩其任凡五匝月而書成間嘗謂天下事莫不有機六朝之早以昌黎而起衰金石之毀泐以廬陵而鑿別未遇其人大造固遞回而有待也今朔揚公以距於茲遲之百年矣而不先不後成此不朽之業非大造之所鬱積而久待者歟。今西陲殄氣開局纂輯省志韓侍郎之遺編既不可得版跋上之大憲以是乃慶郡之信史也可而徵文考獻者亦得所依據非庆人之大幸者也夫武備員赤县有志未逮藉以掩其疎陋是又武之所深幸者也顧材識薄鄙莫贊一辭惟竊莫如呂待制之附青云而名顯也行且自忠矣。錄下候官張純武謹跋

跋

文章政事不能相兼故優於幹濟者常拙於風雅工於翰墨者每疎於經略我

大尹趙公則不然乾隆癸酉公擢守銀夏寬遣備員宇下時軍

旅方興徵檄徃德公日坐堂皇聽翰聽斷而不廢吟咏竊

歎為天際人然猶窺見一斑耳未幾補授慶陽寬又承之環邑

於是復親災化雨愧打燭扣槃不敢妄置一喙會己邛環有城工代

賑之役公有輿道左審度經營行笈常滿工成以律咏歸美

### 咸陽府志 卷之第一

公之才大而學贍也郡固山城荆榛盈望三

年脩廢舉墜政通人和至辛巳春暮而有事於志乘七月而赴

梓書成寬受而讀之分門次類衆體悉備而闡幽顯微則尤仁人

君子之用心也藝文旁搜博採晦明不輟以寬瓦缶之鳴亦謬附於黃


鐘大鑄之末靈表又何如者夫志為史之流派昔劉舍人勰云尋繁

領襟之術務信棄奇之要明白頭訖之序品酌事例之條曉其大綱

則象理可賁斯言也辭約而意該矣公之文章不盡乎此而可以

心風雅之無乎不可即政績亦可得其梗概嗚呼人所不能兼者

公薰之而格如，謂非天際人而爾何。寬以奉調候代，將赴銀川，於是書  
之始也。未遑少叅一議而成也，亦不能形之讚歎如登秦華、涉河海、  
舌撓不下，莫知其高深而已。至述而仍創，事屬大難，則詳於總論不  
贅。屬吏魯克寬謹跋。



跋

策

策開先路端輸十倍之才文謁後塵服兼人之哲謂新書將有

作郡則吾為恐舊事迄無微邑其汝狂猥劾雕蟲之瑣瑣庸解刻

楮之孜孜案寸塊以為山藐矣盆池以景躡群峯而登岱雄哉雲

海奇觀益非體擅諸長案寫五方風氣惟是胸羅象妙能裁四画面文

章北地巖疆在昔嘗聞斥武西陲保障于今復見希文蹟有廢而

皆興政何修而不舉丹樓黌舍固良革而翠輦飛棘院鱣堂更蛟

騰而鳳起瞻茲邦之黎獻曷由與以帛齊芳記當代之經猷自克

### 庆陽府志卷之一

跋

共松喬並永百二載鴻網乃整有所牽歟十五旬大業斯成何其速也

琴聲鶴韻名家原即仙家燈影螢丸壽域還幾望域定全根於

字裏言言杼軸予懷紛玉屑於行間節節權衡在手才優著述

覺班范尚遜功名績最氣循良視龔黃又多學問爾日登諸冊

府論文推以為宗他時傳在藝林豈與因之作祖異百州而可貴

同片羽之堪珍縑帙初開我欲香含豆蔻身鐵衣未滿人當霞

盪薔薇

屬吏陶奕曾敬識



文章政事不能相棄故優於幹濟者常拙於風雅工於翰墨者每疎於經略我

大尹趙公則不然乾隆癸酉公擢守銀夏寬適備員宇下時

軍旅方興微檄控總公日坐堂上執紼聽斷而不廢吟咏竊

歎為天際人猶窺見一斑耳未幾補授廣陽寬又承乏環邑於

是復親炙化雨愧捫濁和槃不敢妄置一喙會己卯環有城工

代賑之役公肩輿道左審度經營行笈常滿玉成以律咏歸美於

令令踧踏不寧益信公之才大而學膽也郡固山城荆榛盈望三

年內修廢舉墜政通人和至辛巳春暮而有事於志乘七月而赴

慶陽府志

卷之第一

梓書成寬受而讀之紛玉屑於行間節節權衡在手才優著述覺

班范尚遜功名績最循良視龔黃又多學問爾日登諸冊府論文

推以為宗他時傳在藝林數典因之作祖異百朋而可貴同片羽

之堪珍縹帙初開我欲香含豆蔻牙籤未觸人常露壘蓋微

屬吏陶奕曾敬識

新修慶陽府志卷之一

凡例

一舊志自順治十七年前守思深鳳重修迄今原板散佚郡士大夫家間有藏本字跡模糊章幅剝缺即紀載亦多遺漏藝文史屬訛糾

國家久道化成百數十年來盛日繁文明日盛若不亟為校輯更歷年所時事益荒遠無徵以現奉

上徵取郡縣志來採擇纂修次書骨繼晷哀成四十二卷

一舊志分類五十有五誇多務博未免頭緒紛繁校閱之暇因舉其可省者徑省之有可附者以類附焉共三十九條雖體製未能

慶陽府志

卷之一 凡例一

盡善亦頗綜括無遺蟲生於木而遷食其木非好自更張也

一郡縣之名歷代互易有音隸而今他屬者有音分而今併入者爰仿通志之例而各列圖於建置之首以補舊志之缺闕者可瞭然於沿革之源流矣

一州縣勝景與舊志所載不同如寧州正寧皆新易今名較為迥雅故從此而不從彼因各繪圖於左雖兵燹之後半窮高美亦有竟付子虛者廢興之感固不一郡一邑也

一田賦經費考舊制志俱沿明制與當

代迥異况百餘年中疊沛

思綸減正額免流亡有耕桑之樂無鷄犬之驚唐虞之熙熙歸朕何以

加茲<sup>盡</sup>爰爰舊志志從賦役全書昭

皇仁亦以遵令甲也

一兵防郵傳亦與舊志所載不同其民土團練及鋪舍烽墩仍附誌簡末以備考察。

一學校所載儀文度數不辭瑣屑者與<sup>皇</sup>宮為風化之原。

國家文教昌明迨越前古誠如龍門所云觀東服禮器低徊不能去也。廢郡法物不及江浙之大備率多因陋就簡况歷久未必常新雅意振興者廢可按籍而考。

一壇壝載在祀典惟藉田之制昉於雍正六年尤不以不詳而寺觀廟院亦附載於此者民間以歲時伏臘祭賽報享有其舉之

慶陽府志

卷之第一

凡列二

無或廢也况非淫祠巫覡者乎故仍照舊志而從俗

一職官通志首載官制兵志亦然所以誌因革也至宦蹟一卷舊志代不數人考漢晉以訖元明先後蒞茲土者實繁有人爰博採前史與通<sup>志</sup>其卓然可紀者悉為增入而

昭代守令尤詳以近而可徵也據事直書或類或簡體無一定其州縣序次先後悉依舊志

一選舉考舊志前明科第稱最盛而學問經濟皆出其中至近日則寥落無聞豈風會之不古若舉爰仿編年之體鄉會選貢敘次悉依科分一以誌科目之始兼可識盛衰之自多士或由此而知激發才致予望之



一鄉哲人物志考先儒選輯書目如朱竹垞明詩綜皆各作小傳况志乘乎然記載必確有可據詳言之非冗言也而立言尤貴質雅有仍原志者有謬加刪潤者於此頗費斟酌閱者自見。

一忠孝節義之事余居嘗讀史每津津三復不厭故志中必縷晰陳之懿德之好人心所同匪僅曰善善欲長也。

一人物舊志俱入鄉賢毋論名實混淆甚有以訛者如郡志州志俱

元昭文館大學士王都中考元史王係福建福寧州人不解何以列

於邑乘顧相沿既久又云崇祀姑仍之若其他則有歸入人物者。

一列女志旌節表貞

國家曠典其未經呈報者採訪既確例得備載而州縣詳舉有僅

慶陽府志

卷之第一 凡列

書姓氏無行實可錄者屢欲刪之因念誓節共孀不忍其賁志於泉壤也寧寬無嚴故並記之

一紀事所以誌一代之變故如歷朝之有紀事本末也考舊志脩於順治十七年而明李闖寇與

國初賀逆之亂皆畧而未盡茲復之父老傳聞具詳願未亦可以知慶民流離疾苦之所由矣。

一歷代之史災異必書與志與史不同似可不載顧考各郡縣志皆附此條或亦以詳省所見為人事得失之所驗可為官守者之驚省歎故仍舊志而益以時事。

一拾遺一卷他志所無慶郡自秦置郡縣以來遺文軼事往往見

於他說而各條例內有不可以強附者漢藏之餘因彙為一冊隨閱  
隨錄不暇詮次其義則本諸王子年杜寶云。

一藝文舊志所載無幾前代著作手如李空同呂九川輩又集散失  
士大夫家藏復必完本因不憚繕閱廣搜博採聚腋成裘較  
舊志不啻倍蓰過之其言不雅別無或闕時事僅誇月露風雲  
者不敢恩觀者之耳目。

一列傳為志中一體猶夫史也原志闕如茲本二十一史暨明史所載  
各附於篇空同數之則得之李氏譜系餘不多見非省簡牘之  
項文獻無徵真操觚者之所劇苦也官斯土者例不載登而狀  
梁公興韓范則郡縣有專祠因附列於末以志景仰云。

慶陽府志 卷之第一 凡列四

一古人之書雖謠諑方言兼以並錄况吟之篇什乎慶郡習尚椎工  
帖括不解聲韻士大夫間有賦景懷古可繼風騷者急為採用  
以備選擇。

一作志與作史其病同其成之良難亦同而慶郡更甚余於總論  
言之詳矣顧編纂校定皆出余一人之手誠恐假諸他人事雜  
言麗且需歲月而後成也弟學識粗疎見聞寡陋如盲瞽如聵  
巴人製曲其不為武功淫場所哂者鮮矣考正潤色是有待於  
博雅君子。

一是志於七月受梓首尾相銜八月前後各職官之銜按調補者  
皆未及備載書成後爰續三頁次第入并更後未之增註。

趙本植竹堂氏謹識

新修慶陽府志總目

凡列

卷之一

圖考

卷之三

建置 有圖

卷之五

城池 亦集附

卷之七

山川

慶陽府志

卷之九

里 戶口附

卷之十一

古蹟

卷之十三

物產

卷之十五

經濟

卷之十七

郵傳

目錄

第二之三

星野

卷之四

疆域

卷之六

形勝

卷之八

閩梁

卷之第一 目錄

卷之十

勝景

圖附

卷之十二

風俗

卷之十四

田賦

卷之十六

兵防制

兵制附

卷之十八

學校

卷之十九

壇壝 寺觀院廟附

卷之二十一

職官 官制附

卷之二十三

科第 進士舉人副榜  
恩拔 咸貢例登

卷之二十五

忠節

卷之二十七

人物

廣陽府志

卷之第一

目錄

卷之二十

廨署

卷之二十二

官蹟

卷之二十四

鄉哲

卷之二十六

孝義

卷之二十八

薦辟

卷之二十九

封卹

卷之三十一

流寓

卷之三十三

方技 力士附

卷之三十五

陵墓 坊表附

卷之三十七

祥符

卷之三十

廨署

卷之二十二

官蹟

卷之二十四

鄉哲

卷之二十六

孝義

卷之二十八

薦辟

卷之三十

隱逸

卷之三十二

仙釋

卷之三十四

列女

卷之三十六

紀事

卷之三十八

拾遺

卷之三十九

藝文  
縣賦續載

卷之四十一

藝文  
書序墓誌補  
序書銘贊

卷之四十二下

藝文  
詩餘

卷四十

藝文  
傳

卷四十二上

藝文  
記  
雜著

慶陽府志

卷之第一

目錄  
三

新修慶陽府志卷之一

慶陽府知府趙本垣纂輯



圖考

周禮大司徒以天下土地之圖周知九州地域廣輪之數漢收秦圖籍  
知天下之阨塞唐元和十道宋元豐九域咸列圖以正經界蓋疆  
理天下之務也慶陽東抵榆<sup>林</sup>西通黑水南接涇渭北控賀蘭其各羅  
星布圖經不可以已於是繪以城池列以形勢庶考方辨域者一  
覽而知其大概云云圖考

慶陽府志

卷之第一

圖考

